



Шогшо эл, порылык да гын берг!

Будь готов/

ЯМДЕ-ЛИЙ

1933 ий 1 февраль годсек лектеш.

0+

9 июнь –
Йолташ-влакын
тўнямбал
кечышт.

Самокат тыйын лийын кертеш!

Х.АЛЕКСАНДРОВАН фотожык.



ПОДПИСКЕ

Шернур район Марисола школын 6-шо классшым тунем пытарыше-влак Алёша, Никита, Илья Шабдаровмыт (снимкыште) изинек «Ямде лийым» лудын кушкыт. Тўрлў конкурс, фестиваль эртаралтме нерген газетыште уверым ужын, мастарлыкыштым ончыкташ вашкат.

– Кажне арнян йўратыме «Ямде лийым» вучена. Пырля погынен, йўкын лудына. Эн ончыч кандашымше лаштыкым почына. Кроссвордым, филвордым йўчашен ыштена. Огына пале гын, вашла польшкалена. Ме эн йўшанле йолташ улына. Газетыште самокат модалтме нерген уверым ужынна. Самокатым ала ме модын налына? – ойлат рвезе-влак.

Самокатым але вес арверым кажне ен модын налын кертеш. Кузе? «Ямде лий» газетлан почтышто, почталыон але Интернет гоч возалтман да квитанцийжым редакцийышке колтыман. Электрон подпискымат ышташ йўн уло.

7 гыч
17 июнь

марте Россий мучко Подписчикын декадыже эртаралтеш. «Ямде лий» газетлан шулдырак ак – 316 теңгеат 68 ыр – дене возалташ вашкыза.

Индекс – П4696.

Рекламе.



Пүртүсүш – унала

Эше ик тунемме ий шенгелан кодо. Тудым иктешлаш манын, Звенигово район Шолэнгер школын 6-шо «Б» классшым тунем пытарыше-влак (**снимкыште**) дене походыш мийышна. Йоча-влакклан пүртүсүштö эре келша. Лүдыкшыдымылык нергенат ышна мондо. Ты кече моткоч пайдале лие. Ұдыр-рвезе-влак дене Йошкар книгаш пуртымo кушкыл-влакым шарналтышна. Кайык йүкым колыштын, могай шулдыран унан мурымыжым палышна. Пырля модын, сылне сем почеш мурен, жапым пайдалын эртарышна. Ура! Ынде канашат лиеш.

М.С.ВИНОГорова, туныктышо.

«Чолга шүдыр»

Шернур районышто «Чолга шүдыр» районысо муро конкурс онлайн эртаралтын. Тудо икымше гана лийын да кажне кумылан еным ушен. Участник-влак мурым марла йонгалтареныт. Тидеже моткоч куандарен. Шочмо йылмынан ўмыржö кужу лиеш манын ўшанем.

Дима ВЕДЕНЬКИН.

Историйым шергалына

Икымше тўнямбал сар годы.м,1916 ий 4 июньышто, генерал Алексей Алексеевич Брусиловын вуйлатыме руш войска наступательный операцийым тўналын.

Каныш кечын – рўдолаш

Каныш кечын еш дене Йошкар-Олаш мийышна. Мый коньки дене мунчалташ йöратем. Ий полатыш ом пуро гын, канымемлат ок чуч. Тиде ганат тыгак лие. Ачам, авам, шўжарем да мый йолъе-че дене шер теммешке мунчалтышна. Кастене Изиде Какшан сер мучко Йошкар-Олан моторлыкшым кугешнен ончен коштна.

Волжский, Сотнур.

Морко район **Сенгымаш**

Коркатово лицейын «Морко шўшпык» волонтер да юнармий отрядше (вуйлатышыже – В.Н.Васильева) Школьник-влакын российысе толкыныштын эртарыме «Добро не уходит на каникулы» всероссийский конкурсышто сенгышыш лектын.

Ўшанле йолташ

Мыйын шуко йолташ ўдырем уло: кок Лиза, Вика, Соня. Кенгеж каникул годым тўрлö модыш дене пырля модына. Калыкклан концертым ончыктена. Йўштылаш коштына, чодырашке емыж-саскалан миен толына. Нуно мыйын ўшанле йолташем улыт. Йолташ ўдырем-влак дене мыланем эре весела.



**Ксения ОКУНЕВА,
Марий Турек,
Сысоево.**

Илья ОКАШЕВ.

Российысе увер

7-16 ияш ўдыр-рвезе-влак, «Экологий – кажнын пашаже» тўнямбал проектыш ушнен кертыда.

Экологияделокаждого.рф сайтыш пурен, 1 октябрь марте йодмаш ден пашам колтыман.

Класс вуйлатышылан таум ойлынеда гын, «Мой классный классный» всероссийский акцияшыке ушныза.

Фото ден текстым #МойКлассныйКлассный хештег дене соцкылласе лаштыкклаш верандыза.

10-16 ияш ўдыр-рвезе-влак, «Символы России. Космические достижения» всероссийский конкурсыш ушнен кертыда. Йодмашым 28 сентябрь марте колтыман. Тўрыс уверым rgdb.ru сайтыште лудса.

Марий Элысе увер

Марий Эл Республикын 100 ияш лўмгечыжлан пöлеклалтше кугу концерт Москосо Кремль полатыште 25 июньышто лиеш. Тушто Всемарийский йоча хорат мураш тўналеш.

Йошкар-Оласе аэропорт кумдан палыме семмастар Андрей Эшпайын лўмжым нумалаш тўналеш.

Тунеммаште, усталык пашаште, спортышто, мер пашаште кугу кўкшытыш шушо йоча-влак «Артек» тўнямбал йоча рўдерыш путёвкым сенен налын кертыт. **Артек.дети** сайтышке йодмашым колтыман да пытартыш кум ий жапысе сенгымаш-влак дене палдарыман.

Кондо куаным, кенезж!

Р.НИКОЛАЕВАН фотожо.



Пайре-
мым «Юзо
шйвырон»
шовын шоу
мучашлен.

1 июньышто Марий Эл Республикысе самырык-влакын полатыштышт «Йоча тўня» пайрем лийын. Тудым Республикысе марий тўвыра рўдер эртарен. Пайремышке Йошкар-Оласе, Шернур, Кужэнер, Советский, Волжский, Медведево районласе школла гыч тунемше-влак ушненыт. Нуно ий мучко марий йылмым, сылнымутым тунеммаште, марий калыкын тўвыражым, эртыме корныжым шымлымаште

кугу кўкшытыш шуыныт, усталык конкур ден фести- вальлаште ойыртемаптыныт. Агытан, Тарля, смурфик-влак тўрлў модыш дене модыктеныт. Йоча-влак марла куштеныт, икте- весышт дене палыме лийыныт. Поезд дене кенезж аланышке кудалыныт. Тўрлў «остановкышто» шогалын, йомакысе герой-влакын йодмыштым шуктеныт: сылне муро почеш совым кыреныт, юарлен тўрштылыныт, Тарля дене пырля самолёт дене «чонештеныт» да пўлек аланышке логалыныт. Пўлекым налмеке, ўдыр- рвезе-влак эн вучымо унам, Ке- нежым, шок- шын вашлийыныт да куаным кондаш йо- дыныт. Ке- неж пелен Кече толын, да нуно йо- ча-влакым концертышке ўжыныт.

Пайремым Советский район Ушнўр школ гыч «Мурсем», Йошкар-Ола гыч «Падыраш», «Онар», «Шокто, гармонь» ансамбль-влак сўрас- тареныт. Уста ўдыр-рвезе- шамыч кумдан палыме мурызо- влак З.Берникова, С.Осипова, В.Матвеев, Р.Искакова дене пырля марий муро-влакым йонгалтареныт.

Х.АЛЕКСАНДРОВА.

Лагерыште сай

Кенезжым чот йўратем. Тыгодым игече шокшо, мардеж ласка, ерыште вўд леве, урем йоча йўк дене темше. Адакшым чот вучымо каникул тўнгалын. Туге гынат ме школ пеле- нысе лагерыш коштына. Футболла, шахмат дене модына. Оңай конкурслашке ушнена. Лагерь илыш пайдалын эрта. Кастене ава-ача- лан полшем. Оңай книгаг лудащ ом мондо.

Максим АКАНАЕВ.

Волжский, Пўтъял.

Увер

Марий Эл Республикыште «Йоча туристический кешбэк» программе почеш «Шап» тазалыкым пенгыдемдыше комплекс, «Кооператор» сана- торий, В.Дубинин лўмеш йоча тазалыкым пенгыдемдыше рўдер, «Белая медведица», «Яльчик», «Илеть» йоча лагерь-влак да ешар- тыш шинчымашым пуышо «Таир» рўдер пашам ыштат.

Тўн поянлык

Кинде – айдемын тўн поянлыкше. Тудын ўстембак толын шумо корныжо кужу да неле. Мемнам, йоча-влакым, изи годсек киндым аклаш туныктат. Шерге да вучымо уна-влакым кинде-шинчал дене вашлийыт. Кинде – илышыште эн кугу вий.

Кристина СТЕПАНОВА.
Морко, Коркатово.



Киндыште – «изи планете»

Йошкар-Олаште верланыше Республикысе йоча да самырык-влаклан усталык рўдерын «Юный изобретатель» уше-мышкыже коштшо ўдыр-рвезе-влак ий мучко тўрлў опытым, экспериментым эрта- рат. Шукерте огыл кидым мушде киндым кочмо нерген видеороликым онченыт. Йодыш шочын: кочкышыш кид гыч лавыра логалеш гын, мо лиеш?

Ме опытым эртаренна. Кажне тунемше кинде шул- тышым лавыран кидше дене кучен да пакетыш пенгыдын пўтырал пыштен. Ик арня эртымеке, кинде пунышкен. Лач ик шулгыш гына сайын аралалтын. Тудым туныктышо ару кидше дене кучен улмаш. Йоча-влак пунышкышо шулгышым микроскоп гоч онченыт да «изи пла- нетым» да тўрлў вельш шуйналтше ош корно-влакым ужы- ныт. Ынде ўдыр- рвезе-влак раш па- лат: урем гыч пуры- меке, кидым шовын дене сайын мушман.

О.В.ШОМИНА, туныктышо.



Фотом рўдерын архивше гыч налме.



Самырык этноблогер

Марий кундемын, марий калыкын историйже дене палдарыме шонымаш дене Звенигово районысо 2-шо номеран Красногорский школын 10-шо классшым тунем пытарыше

Мария ЗВЕРЕВА (снимкыште)

Instagram соцкылыште блогым вўдаш тўналын. Тудо самырык ен-влакым шочмо кундемын историйжым шымлаш таратынеже.

– *Марий калыкын ймыржō кужу лиеш але уке? Тиде йодыш мыйым тургыжландара. Чылажат – мемнан, самырык йдыр-рвезе-влакын, кидыште. Шке таҥаш йолташем-влакым ончем да умьлем: шочмо калык верч йўлышō еҥ шагал. ИКН дене республикысе олимпиадыште кок гана сеҥышыш лектем нерген ойлем, марий калыкын эртыме корныжо нерген шинча йўлен каласкалем. Самырык еҥ-влак утларак пален налаш кумылаҥыт, –* ойла Маша.

Ўдырын пытаргыш пашаже республикын кызытсе илышыжым шымлымаш да ХХІ курымын хронологий таблицыжым ямдылымаш дене кылдалтын. Ончыкыжым этнограф лияш шона. Маша шочмо кундемым шымлаш кумыландымылан тунуктышо М.С.Виногоровалан таушта.

Машан блогшо «Идалыкын этноблогерже» всероссийский конкурсын «Самырык этноблогер» таҥасыштыже сеҥышыш лектын.



Х.АЛЕКСАНДРОВА.
Фотом еш архив гыч налме.

Йырваш чодыра

Ок кой тора гыч сылне Смычка ял, Чодыра йырваш, кеч-кушко тый ончал: Ужар куэр, чашкер, ломбер, пўнчер, Тораште – патыр да виан тумер.

А кече шыргыжеш чылт ўдырла – Шула эрдене писын тўтыра. Йога тораш яндар марий памаш, Ўжеш мемнам ший вўдшым подылаш.

Ирина ПЕТРОВА.

Морко район.

Увер

24-28 июньшто «Сосновая роца» каныме да тунем-ме базыште самырык краевед-влаклан ХХІ республикысе слёт эртаралтеш. Нуно спорт ориентирований дене танасат, пырдыжгазетым луктыт, туризм да краеведений маршрутым эртат, квиз-модышыш ушнат.

Ял, села да посёлко-влакын могай район гыч улмыштым палыза.



Ўжака

Ўпкўршō



- Ўвыре** – сокыртагала модмаш.
- Ўдырвел** – кугыватын ўдыржō.
- Ўедаш** – сōрвалаш.
- Ўжыраш** – ячаш, уэш-пачаш йодаш.
- Ўнгырчык** – начар, черле.
- Ўпмыгыле** – шымакшым чияш погымо ўп.
- Ўпневоч** – ўппунемым сōрастарыме тасма.
- Ўшар** – пайдадыме паша.
- Ўштыган** – улазе, имне дене шупшыктышо.

- Ўштыле** – полдыштыде.
- Ўшык** – мардеждыме вер.
- Ўшыргышō** – лывыжгыше.
- Ўяклықта** – укшинчыкта.

Ўдырвел Начи **ўвыре** модмашке тарваныш. Тыгай погынымашым аваже **ўшарлан** шотла гынат, Начи **ўеден** мошта. Кокланже **ўжырашат** логалеш. Кужу ўппунемжым **ўпневоч** дене сōрастарыш. Пытаргыш жапыште тудо **ўнгырчык** кош-теш. Сандене уремышке **ўштыле** лекташ аптыраныш. Модмашке мийыме-кат, **ўшык** вереш шинче.

Л.ГРИГОРЬЕВА.
Сўрет-влакым Интернет гыч налме.

Дате-влакан кроссворд



Шола гыч пуллашке:

2. Краснокок-шайским Йошкар-Олашке кунам савырен-ныт? **4.** Марий автоном областым кум кантонлан могай ийыште шелыныт? **5.** МАО-м МАССР-ышке савырыме ий. **7.** Марий автономий кечым могай ий гыч палемдаш тўналме?

Кўшыч ўлыкў:

1. Параньга ден Курык-марий районлам ыштыме ий. **3.** Зеленый Дол станций гыч Волжск ола марте кўртнны-горным пашашке колтымо ий. **5.** МАО-м ыштыме нерген пунчал лектын. **6.** Марий Эл Республикын шочмо ийже.

В.СМИРНОВ ямдылен.

Марий Элем

Марий Элемым йўратем,
Марий Элем ден кугешнем.
Ужар чодыра ден олыкем
Пеш шерге улыт мыланем.
Каем чодыраш, погем саскам,
Памаш вўдеш кидем мушкам.
Ончем пасуш, ужам уржам
Да қайык мурым колыштам.
Марий кундемым йўратем,
Почеламутым пўлеклем.
Марий улам, марла ойлем,
Марий улмем ден кугешнем!

Аня АНДРЕЕВА.

Кужэнер, Тошто Йўледўр.



Александра МАМАЕВАН сўретше.
Шернур, Марисола.

Памаш корем

Кожлаер ялем памашшинчалан поян. Уна-влак толыт гын, эн очычак нине верлам ончыктем ыле. Ший вўдан ик памашыже – Памаш корем. Мланде йымач шыжалт лекше вўдым шонго коча шекланен. Тиде вереш палым ыштен. Вара таве пурам веранден. Сылнырак лийже манын, памаш йыр пушенгым шынден. Ял калык тиде шонгыенлан кызытат таум ойла.

Яна ДМИТРИЕВА.

Морко район.



Чонлан лишыл

Кажне еглан шочмо верже эн лишыл да шерге. Мыйын тыгай кундемем – Шернур посёлко. Тыште мый шочынам, кушкынам, школышто парт коклашке шинчынам. Тыште мемнан ешна, родо-тукумна, йолташна-влак илат. Шернур кундем идалыкын кажне пагытыштыже мотор, кажне егымшке велкыже савыра. Тудын эртыме корныжо поян, шкаланже келшыше йўла-же, пайремже улыт. Шочмо кундемем ятыр серызым, спортсменным ончен куштен. Кузе тыгай шочмо вер дене от кугешнем!



Валерия ЛОСКУТОВА.

2-шо номеран Шернур школ.

Ялемын лўмжў – Яран-сола. Тудо мотор да яндар вўдан Яранке энгер воктене верланен. Ялна воктене кок памаш йоген эрта. Шочмо веремым кугу чодыра авырен шога. Тудо емыж-саскалан, понгылан поян. Ме кажне кенезым чодыран унаже лийына. Ялыштына моткоч сай. Пош-кудо-влак поро улыт. Шочмо Яран-сола ялем моткоч йўратем да кугешнем!

Аня АНИСИМОВА.

Морко район.

Эн сылне кундем

Акпатыр ялем эн сылне кундемеш верланен. Ял йыр – пасу да чодыра, ял покшелне памаш йоген лектеш. Мўкш пакчана уло. Ялна изи огыл. Тушто пўртўс ойыртемалтше. Урем ару, пўрт-влак чатка улыт. Мыланем ялем келша. Тудын дене кугешнем!

Петя АКПАТЫРЕВ.

Марий Турек.

Синквейн

Марий Эл
Шочмо, шерге.
Шуара, арала, чамана.
Мыланна улеш эн хот лишыл.
Поянлыкна.

Ирина УРАЗАЕВА.

**Морко,
Шўргыял.**

*Эртак тудо лишыл,
Тулото гай шокмо
Мылам шочмо вер,
Шочмо эл!*

А.ТИМИРКАЕВ.

Ялем дене кугешнем

Карай ял кугу чодыра воктене верланен. Чодыраште телым ече дене коштам. Кенезым емыжым погем. Чодыра воктене изи куп уло. Тушко кол кучаш ошкылам. Мый шочмо кундем дене кугешнем да пўртўсым аралем.

Женя ВАТЮТОВ.

Волжский район.



Ныл йолан йолташна

– Кинолог
лияш шоны-
маш кузе
шочын?

– Пийым
изи годсек
йоратем. Но

ончыкылык ылышем юрист паша дене кылдаш шоненам. Варажым тиде сомыл чонемлан лишылла чучын огыл. Кинологийым шымлаш, кинологий спорт дене кылым кучаш тўналынам. Москошко тунемаш коштынам. Ик заводын служебный питомникыштыже 3 ий наре пашам ыштенам. Кызыт «эрыкан кинолог» улам. Ен-влакым пийым умылаш, тудын дене кылым ышташ туныктем. Ныл йолан йолташ-влакым ончерлан, моторлык конкурслан ямдылем.

– Дрессироватлыме икымше пийда
могай урлык гыч лийын?

– Икымше прием – эрвел Европысо овчарке. Мый тудлан Лайза лўмым пуэнам. Кызыт бордер колли урлык пийым ашнем.

– Тудо моло деч мо дене ойырте малтеш?

– Найс прием моткоч ушан, тўткў, кўшты-
мым шуктышо. Тудын ушыжым, капкылжым



Грек йылме гыч
кусараш гын, «ΚΥΝΟΣ»
мут «пий» манме лиеш.

лийшаш. Пий дене пашам ыштымаш ик кечаш сомыл огыл. Тидлан ўмыр мучко тунемман. Мутым колыштышо пийым гына огыл, чылаш-
тым иктўр йоратыман.

Х.АЛЕКСАНДРОВА мутланен.

Фотом еш архив гыч налме.

эре виан-
дыман. Найс
кўтўчў ур-
лыклан шот-
лалтеш гынат,
олаسه
ильшплан туныкташ
лиеш.

– Могай урлык пийым
туныкташ куштылгырак?

– Ик урлыкым посна
палемдаш ок лий. Ныл
йолан йолташна-влак
тўрлў улыт. Пийым налме
деч ончыч тудын нерген
уверым кычалман, шым-
лыман. Тендан жапда ситы-
мым шотыш налман.
Специалист-влак деч
кагашым йодман.

– Кажне ен кинолог
лийын кертеш мо?

– Уке. Кинолог
нелылыкым чытен
кертше, пашаче

Сурторол

Мыланна шыжым изи
пинегым пўлекленыт. Ме
тудым Бакс манын лўмден-
на. Кызыт Бакс кугу
лийын. Тудо суртнам
орола. Мый Бакс дене
модам, пукшем, пырля
уремыш луктам.

Катя АЛЕКСЕЕВА.
6-шо №-ан Морко школ.

Сўретыште могай
суртовлылыкым ужыда?



Советский, Кельмаксола.

Ер воктене мый шинчем,
Колын чўнгымым ончем.
Воктеном прием шога,
Кол лукмемым пеш вуча.
Даниил РОМАНОВ.
Волжский, Йывансола.

Палаш
онгай

Гий-влак
шыргыжын да
воштылын
моштат, но
айдеме селын
огыл. Чунын вош-
тылмышт тыге
шокта: «Х-х».



Пырысым эмленам

Мемнан ныл пырысна уло: Муся, Киса, Беляш, Пушистик.
Нуно шўрым, шылым йоратат. Колямат кучаш огыт мондо.
Икана Мусян йолжым пошкудо пырыс пурлын.
Мый тудым эмленам. Ныл йолан йолташем-влакым
моткоч йоратем. Нуно йолташ гай улыт.

Юля ЯГОДАРОВА.



Ушан
Вася

Мыйын Вася лўман пырысем
уло. Тудо пеш писе, чолга да
мотор. Мом ойлем, чыла умыла.
Ме тудын дене коктын модына.
Мый Васям моткоч йоратем.

Наташа ТОКУНОВА.
Морко, Купсола.

Синквейн

Имне
Кугу, ошо.
Кудалеш, чыма, шога.
Ожно суртын негызше лийын.
Суртовлык.
Аня БУЛЫГИНА.
Советский, Ёрша.

1 июньшто республикыште йўштылмо жап почылтын. Тудо 15 август марте шуйна.



Тўткө лийза

Шке вийлан ода ўшане гын, пуэн овартыме онгым але йўштылаш кельштарыме жилетым пелен налза.



Кечан игече годым вуйчиюм чийыза.

Палыдыме, лавыран да йўштө вўдыш ида пуно.

Вўдыштө ида мод, ет-влак-лан йўштылашышт чаракым ида ыште.



Кугыен-влак деч посна йўштылаш ида кошт.



Снимкыште Советский район Кельмаксоло школын 4-ше классшым тунем пытарыше ўдыр-рвезе-влакым ужыда. Нуно мураш-кушташ, тўрлө семўзгар дене шокташ кумылан улыт. Кугу сценыш куанен лектыт. «Пытаргыш йынгыр» пайрем годым школышто тунемше да йочасадыш коштышо ньога-влак дене пырля ялысе клубышто эртаралтыше концертыште мастарлыкыштым ончыктеныт.

В.ГОРОХОВАН фотожо.

5 июнь – Йырым-йырысе средам аралыме тўнямбал кече.

Пўртўсын йолташыже

Пўртўс – тиде йырым-йырысе тўня. Тудым йораташ да аралаш кўлеш. Мый пўртўсын йолташыже улам. Шўкшакым ом кышкылт. Кажне шошым еш дене пушенгым шындена, вара тудын кушмыжым эскерена. Теат, йоча-влак, шочмо кундемнан сылне да поян пўртўсшым аралыза.

Анастасия ИВАНОВА.
Морко, Коркотово.

6 июнь – руш поэт А.С.Пушкинын шочмо кечыже.

Йомакше-влак почеш викторине.

1. «Сказка о рыбаке и рыбке» йомакыште кува ден кугыза кушто иленыт?
2. «Сказка о мёртвой царевне и о семи богатырях» йомакыште кугыжан пелашыжын могай ўрыктарыше арверже лийын?
3. Извате ава тарзылан ўдырым кушко намиен кодаш кўштен?
4. Кугыжан ўдырым кычалаш кў каен?
5. «Сказка о золотом петушке» йомак гыч кугыжан лўмжө.
6. Мудреч кугыжалан мом пўлеклен?
7. Шўртнў агытан могай пашам ышен?
8. «Сказка о царе Салтане...» йомакыште Салтан кугыжан эргыже.
9. Ур могай пўртыштө илен?
10. Князь Гвидон курныж деч могай кайыкым утарен?

Вашмут:

Рокторт. Вотмончынч. Чодырат. Королевич Елнсей. Дадон.
Шўртнў агытан. Лўдыктылчк ергеш тшжтарен. Гвидон.
Хрусталь. Йўжө.



Вучымо каныш

Кенезым пеш шуко паша гынат, каникулым чот вученам. Авамлан пакчаште шўкшудым сомылаш, емыжым погаш полшем. Ачам дене пырля йўштылаш каем. Пўрт воктенак ер верланен. Тушко колым кучаш кошташ тўналам. Тыгак книгаг лудаш ом мондо.

Настя АНИСИМОВА.
Волжский, Карай.



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.pf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет редакций.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округыс управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатыш пуымо жап –
14-00,
фактически – 13-00

Авторын да редакцийын шонымашышт тўрлө лийын кертыт. Серыш-влак мўнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пўрт.
Тел. 8(8362) 45-22-82(факс)

У конкурс

Кенгежын чияже



Фотом 22 август марте колтыман.

Снимкыште: Аня ИВАНОВА (Морко, Кугу Шале).

Уремыште вучымо кенгеж озалана. Пакчалаште, олык ден пасулаште шинчалан йыли-юли коеш: ужарге, нарынче, йошкарге... Пеледыш ден вондер-влак пеледалтыт. Ёдыр-рвезе-влак, тўрлў модыш дене модыда, тўрлў вере лектын коштыда, сурт сомылкам ышташ полшеда. Сылнын сниматлалтын, фотографийда-влакым https://vk.com/yamde_lii тўшкашке сообщений дене колтыза. Паша-шамычым газетеш да группеш верандена. Эн шуко лайкым погышо фото сенгышыш лектеш. ♥ шындыше «Ямде лий» – марла йоча газет» тўшкан подписчикше лийшаш.

Ешартыш лайкым кузе погаш?

400 лайк: 2021 ийын кокымшо пелийжылан «Ямде лий» газетлан почто гоч подпискым ышташ да квитанцийжым але тудын копийжым редакцийышке колташ.

200 лайк: электрон подпискым ышташ. 89027382237 номер дене Сбербанкыш оксам колташ але тиде номерышке 150 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынар лайкым налеш.

Реклама.

Сенгышым чапле пўлек вуча.


Сїретым чиялтыза.



Ситыдыме домино-влакын ужашыштым сїретлен пытарыза.



Кайыкын ўмылкажым муза.



Ойыртемалтше шўдырым кычалза.



Шотлыза:



У мутым тунемына

Кроссворд



Рушла гыч марлашке кусарыза.

Шола гыч турлашке:

3.Остров. 4.Наказание. 7.Лексика. 10.Батрак. 11.Конопля.

Кўшычын ўлыкў:

1.Словесник. 2.Дефис. 5.Словарь. 6.Науко. 8.Град. 9.Учреждение.

Н.Д.ИЛЬИНА, туныктышо.

Волжский, Карай.

Интернетысе сїрет-влакым кучылтмо.